



Reykjavík, 14. janúar 2026
SFS22120075

Borgarráð
Ráðhús Reykjavíkur

Samstarfs- og styrktarsamningur um UngRÚV 2026-2028

Á fundi skóla- og frístundaráðs þann 12. janúar 2026 var lagður fram samstarfs- og styrktarsamningur skóla- og frístundasviðs og RÚV um UngRÚV 2026-2028 ásamt minnisblaði sviðsstjóra skóla- og frístundasviðs, dags. 12. desember 2025, um samninginn og reglum Reykjavíkurborgar um styrki, samþykktum í borgarráði 25. maí 2017.

Erindið var samþykkt með fimm atkvæðum skóla- og frístundaráðsfulltrúa Samfylkingarinnar, Pírata, Flokks fólksins, Vinstri grænna og Framsóknarflokksins gegn tveimur atkvæðum skóla- og frístundaráðsfulltrúa Sjálfstæðisflokksins og vísað til borgarráðs.

Erindinu er hér með vísað til borgarráðs.

Skóla- og frístundaráðsfulltrúar Samfylkingarinnar, Pírata, Flokks fólksins og Vinstri grænna lögðu fram svohljóðandi bókun:

Fjölmiðlalæsi er ein af meginstoðum lýðræðislegrar þátttöku en markmið samningsins er einmitt að styðja við unglingalýðræði og skapa vettvang fyrir raddir unglinga í íslensku samfélagi í samræmi við Menntastefnu Reykjavíkurborgar. Að gefa unglingum tækifæri og vettvang til að láta raddir sínar heyrast og læra á fjölmiðlaumhverfi er í samræmi við nýja menntastefnu, m.a. með námskeiðum í tækni- og dagskrárgerð fyrir nemendur á unglingastigi grunnskóla, auk þess sem það er ómetanleg reynsla fyrir unglingana sjálfa. Hjarta þessa samstarfs er ekki síst samstarf um Skrekk - hæfileikakeppni grunnskóla Reykjavíkurborgar og gerir þetta samstarf mögulegt að öll börn geta fylgst með úrslitakvöldi í þessu fyrirmyndarverkefni. Borgarlögmaður hefur áður staðfest að samningurinn samræmist innkaupareglum Reykjavíkurborgar og samningurinn falli undir þá starfsemi sem tilgreind er í 13. gr. innkaupareglna borgarinnar og fjárhæð samningsins sé undir viðmiðunarfjárhæðum VIII. kafla laga nr. 120/2016 um opinber innkaup.

Skóla- og frístundaráðsfulltrúar Sjálfstæðisflokksins lögðu fram svohljóðandi bókun:

Það er ánægjulegt að RÚV sýni þessu verkefni áhuga og sinni þannig fræðsluhlutverki sínu. Rétt er að benda á að RÚV ber að auka framléiðslu á íslensku efni fyrir börn samkvæmt þar til bærum þjónustusamningi stofnunarinnar við íslenska ríkið. Hér hefði verið rétt að fara í útboð/verðfyrirspurn og kanna áhuga annarra sjónvarpsstöðva til að taka verkefnið að sér eða öðrum fjölmiðlum. Þá vekur athygli að hér er ekki um þjónustukaup að ræða heldur er skóla- og



frístundaráð að styrkja RÚV ohf. Ekki liggja fyrir skýrar talningar um áhorf á efnið sem framleitt hefur verið hingað til, það er á grundvelli fyrri samnings við RÚV sem nú stendur til að endurnýja. Vert er hér að hafa í huga viðtækt viðskiptasamband sem Reykjavíkurborg hefur haft við RÚV, samanber svar við fyrirspurn borgarráðsfulltrúa Sjálfstæðisflokksins, lagt fram á fundi borgarráðs 24. júlí 2025 (MSS24050002). Það er því þörf á að rýna með gagnrýnum hætti viðskiptatengsl borgarinnar við RÚV og gæta varhug við áframhaldandi samningsgerð af þessum toga. Þetta á ekki síst við þegar aðrir valkostir halda áfram að vera ókannaðir, það er, gætu ekki aðrir fjölmiðlar sinnt þessu verkefni sem Reykjavíkurborg hyggst hér fjármagna?

Virðingarfyllt

Steinn Jóhannsson
sviðsstjóri skóla- og frístunasviðs

Hjálagt:
Samstarfs- og styrktarsamningur 2026-2028
Minnisblað, dags. 12. desember 2025
Reglur Reykjavíkurborgar um styrki, dags. 25. maí 2017



Viðtakandi: Skóla- og frístundaráð

Sendandi: Steinn Jóhannsson, sviðsstjóri skóla- og frístundasviðs

Reykjavík, 12. desember 2025

SFS22120075

MINNISBLAÐ

Efni: Samningur skóla- og frístundasviðs við RÚV um UngRÚV

Skóla- og frístundasvið (SFS) leggur til að gerður verði samstarfs- og styrktarsamningur við RÚV um UngRÚV. Gildistími samningsins verði frá 1. janúar 2026 til 31. desember 2028. Samningur SFS við UngRÚV frá árinu 2023 fellur úr gildi þann 31. desember 2025.

Markmið samnings þessa er að styðja við unglingalýðræði og skapa vettvang fyrir raddir unglinga í íslensku samfélagi í samræmi við Menntastefnu Reykjavíkurborgar.

UngRÚV er þjónusta við ungt fólk þvert á miðla RÚV. Markmið samstarfs RÚV og SFS er að unglingar í 8., 9. og 10. bekk í Reykjavík fái tækifæri til að þróa og taka þátt í verkefnum UngRÚV þar sem áhersla er lögð á fjölbreytileika og mismunandi hæfileika unglinga. Nýr samningur snýr að enn frekari áherslu á samstarf um RÚV, menntun ungs fólks í dagskrárgerð, meiri sýnileika unglinga í línulegri dagskrá og aukins samráðs við fulltrúa ungmenna um málefni sem brenna á unglingum á hverjum tíma.

Ástæða þess að leitað er til RÚV um samstarf er meðal annars sú að vilji er til að vera í samstarfi við miðil sem þjónar öllum börnum í landinu, óháð áskrift. RÚV er með sérstaka deild starfsfólks sem vinnur að barna- og unglingaþjónustu og hefur sérhæft sig í starfi með ungu fólki og leggur mikinn metnað í tækifæri í miðlun með og fyrir ungt fólk. Búið er að leggja mikla vinnu í samstarfið og þróun þess. Þá hefur skóla- og frístundasvið afar góða reynslu af samstarfinu.

Verkefnið mun felast fyrst og fremst í eftirfarandi:

- RÚV leggur til grundvallar vefmiðilinn UngRÚV fyrir unglinga í samstarfi við SFS með áherslu á dagskrárgerð fyrir ungt fólk. Á UngRÚV gefst ungu fólki tækifæri til að koma á framfæri eigin framleiðslu, ásamt því að sjá efni sem hentar vel þessum aldri.
- Utanumhald á námskeiði Ungs fréttafólks sem haldið er árlega. Námskeiðið er tvíþætt:
 - Tækni- og dagskrárgerðarnámskeið þar sem farið er í hvað þarf að huga að þegar sjónvarpsefni er tekið upp.
 - Fréttamiðlun, vinnsla og flutningur. Ungt fréttafólk fær þjálfun í öllu því helsta sem þarf að kunna í fréttflutningi. Fréttir þeirra eru svo



Reykjavík



birtar á UngRÚV og í Krakkafréttum. Námskeið fer fram stuttu fyrir Barnamenningarhátíð.

- RÚV gefur ungu tæknifólki möguleika á að taka þátt í framleiðslu á efni fyrir UngRÚV að undangengnu námskeiði skv. samningi þessum.
- SFS í samstarfi við UngRÚV setur saman samráðshóp fulltrúa ungmenna svo sem frá Flotanum, Samfés, verkefnastjóra SFS, jafnréttisskólanum og kennara sem fundar reglulega um málefni líðandi stundar er varðar ungt fólk og gott væri að fjalla um. Samráðshópnum ber að vera í beinu sambandi við ungmenni og fá ábendingar og tillögur frá þeim sem hjálpar til við að móta dagskrárstefnu UngRÚV.
- Samstarf um Skrekk - hæfileikakeppni SFS.
 - Myndræn skrásetning á skólaheimsóknum þar sem allir þátttökuskólar eru heimsóttir og viðtöl tekin við keppendur.
 - Leggur til tækja- og tæknibúnað og vinnuframlag starfsfólks RÚV fyrir undanúrslit og úrslitakvöld.
 - Sendir út þrjár vefútsendingar af undanúrslitum.
 - Upptökur á prófílum, fyrir beina útsendingu.
 - Viðtal við sigurvegara frá árinu áður.
 - Umsjón með ungu fólki á samfélagsmiðlum UngRÚV.
 - Verkefnastjórnun og útsendingarstjórn á beinni útsendingu af úrslitakvöldi.
 - Umfjöllun um Skrekk á RÚV miðlum.
- Auka sýnileika unglinga í línulegri dagskrá á RÚV - jafnt í almennri dagskrá sem og sérstakri þáttagerð á helstu viðburðum ungmenna svo sem Samfés, Stíl, Danskeppni Samfés, Rímnaflæði, Upptaktinum, Viku6 og fleira.
- Framleiða efni þar sem ungmenni eru í forgrunni. Áhorfendur kynnst áhugaverðu ungu fólki og læra um málefni sem þeim eru hugleikin.
- Gæta skal trúnaðar gagnvart málefnum barna og skal tryggt að aflað sé samþykkis forsjáraðila þegar við á.

Samningurinn er í takt við markmið menntastefnu Reykjavíkurborgar sem eru eftirfarandi:

Að öll börn:

- vaxi, dafni og uni saman í samfélagi sem einkennist af lýðræði, jafnrétti, mannréttindum og virðingu fyrir fjölbreytileika mannlífsins.
- þrói sterka sjálfsmynd, trú á eigin getu og nái árangri námslega og félagslega í skóla- og frístundastarfi.
- lesi sér til gagns og gamans, afli sér þekkingar og öðlist skilning á samfélagi og náttúru.
- sýni frumkvæði, skapandi og gagnrýna hugsun.
- tileinki sér heilbrigðan lífsstíl og búi yfir hæfni til að standa vörð um eigið heilbrigði.

Greiðslur samkvæmt samningi þessum til RÚV eru krónur 18.217.287- sem skiptist niður á þrjú ár. Kostnaður samningsins rúmast innan fjárhagsramma skóla- og frístundasviðs.



Reykjavík



Fjármála- og áhættustýringarsvið hefur staðfest með tölvuskeyti, dags. 3. desember 2025, að umræddur samningur falli undir félagsþjónustu sbr. VIII. kafla laga um opinber innkaup , sbr. lið 8.2 í innkaupareglum Reykjavíkurborgar.



Reykjavík

Skóla- og frístundasvið Reykjavíkurborgar, kt. 530269-7609 (hér eftir nefnt SFS) og Ríkisútvarpið ohf., kt. 600307-0450 (hér eftir nefnt RÚV), gera með sér svofelldan

Samstarfs- og styrktarsamning SFS og RÚV um UngRÚV 2026-2028

1.gr. Markmið

Markmið samnings þessa er að styðja við unglingalýðræði og skapa vettvang fyrir raddir unglunga í íslensku samfélagi. UngRÚV er þjónusta við ungt fólk þvert á miðla RÚV. UngRÚV er hluti af Barna- og ungmennapjónustu RÚV. Samningurinn er fram settur sem styrkur til að treysta rekstrargrundvöll og starfsemi UngRÚV. Markmið samstarfs RÚV og SFS er að bjóða ungu fólki í 8., 9. og 10. bekk í grunnskólum Reykjavíkur upp á vandað skemmti- og fræðsluefni og að taka þátt í fjölbreyttum verkefnum UngRÚV.

2. gr. Réttindi

RÚV fer með ótakmarkaðan og ótímabundinn rétt á öllu því efni, sem miðlað er á UngRÚV, bæði hérlandis sem erlendis. Rétturinn gildir jafnt um einstök atriði í þjónustu UngRÚV sem og því sem miðlað er á öllum miðlum RÚV.

3. gr. Framlag RÚV

Framlag RÚV skv. samningi þessum er eftirfarandi :

- RÚV leggur til grundvallar vefmiðilinn UngRÚV fyrir unglunga í samstarfi við SFS með áherslu á dagskrárgerð fyrir ungt fólk. Á UngRÚV gefst ungu fólki tækifæri til að koma á framfæri eigin framleiðslu, ásamt því að sjá efni sem hentar vel þessum aldri.
- Utanumhald á námskeiði Ungs fréttafólks sem haldið er árlega. Námskeiðið er tvíþætt:
 - Tækni- og dagskrárgerðarnámskeið þar sem farið er í hvað þarf að huga að þegar sjónvarpsefni er tekið upp.
 - Fréttamiðlun, vinnsla og flutningur. Ungt fréttafólk fær þjálfun í öllu því helsta sem þarf að kunna í fréttaflutningi. Fréttir þeirra eru svo birtar á UngRÚV og í Krakkafréttum. Námskeið fer fram stuttu fyrir Barnamenningarhátíð.
 - RÚV gefur ungu tækniþólki möguleika á að taka þátt í framleiðslu á efni fyrir UngRÚV að undangengnu námskeiði skv. samningi þessum.
- SFS í samstarfi við UngRÚV setur saman samráðshóps fulltrúa ungmenna svo sem frá Flotnum, Samfés, verkefnastjóra SFS, jafnréttisskólanum og kennara sem fundar reglulega um málefni líðandi stundar er varðar ungt fólk og gott væri að ávarpa. Samráðshópnum ber að vera í beinu sambandi við ungmenni og fá ábendingar og tillögur frá þeim sem hjálpar til við að móta dagskrárstefnu UngRÚV.
- Samstarf um Skrekk - hæfileikakeppni SFS.
 - Myndræn skrásetning á skólaheimsóknum þar sem allir þátttökuskólar eru heimsóttir og viðtöl tekin við keppendur.
 - Leggur til tækja- og tækniþúnað og vinnuframlag starfsfólks RÚV fyrir undanúrslit og úrslita kvöld.

- Sendir út þrjár vefútsendingar af undanúrslitum.
- Upptökur á prófílum, fyrir beina útsendingu.
- Viðtal við sigurvegara frá árinu áður.
- Umsjón með ungu fólki á samfélagsmiðlum UngRÚV.
- Verkefnastjórnun og útsendingarstjórn á beinni útsendingu af úrslitakvöldi.
- Umfjöllun um Skrekk á RÚV miðlum.
- Auka sýnileika unglinga í línulegri dagskrá á RÚV - jafnt í almennri dagskrá sem og sérstakri þáttagerð á helstu viðburðum ungmenna svo sem Samfés, Stíl, Danskeppni Samfés, Rímnaflæði, Upptaktinum, Viku6 og fleira.
- Framleiða efni þar sem ungmenni eru í forgrunni. Áhorfendur kynnst áhugaverðu ungu fólki og læra um málefni sem þeim eru hugleikin.
- Gæta skal trúnaðar gagnvart málefnum barna og skal tryggt að aflað sé samþykkis forsjáraðila þegar við á.
- Teymisstjóri barna og ungmennapjónustu RÚV er ábyrgðaraðili RÚV við samninginn

4. gr. Framlag SFS

Framlag SFS skv. samningi þessum er eftirfarandi:

- SFS styrkir RÚV um alls kr. 18.217.287,- á samningstímanum.

Greiðslur skulu inntar af hendi sem hér segir:

1	15.1.2026	2.024.143
2	15.5.2026	2.024.143
3	15.9.2026	2.024.143
4	15.1.2027	2.024.143
5	15.5.2027	2.024.143
6	15.9.2027	2.024.143
7	15.1.2028	2.024.143
8	15.5.2028	2.024.143
9	15.9.2028	2.024.143

- Allar upphæðir eru undanskyldar virðisaukaskatti, en ekki er um virðisaukaskattskylda starfsemi að ræða.
- Verkefnastjóri tónlistar- og barnamenningar SFS sér um samstarf og er tengiliður við RÚV / UngRÚV fyrir hönd SFS.
- Ekki er um frekari greiðslur að ræða af hálfu SFS skv. samningi þessum.
- Gerður er fyrirvari af hálfu Reykjavíkurborgar um að fjárveitingar skóla- og frístundasviðs eru gerðar með fyrirvara um fjárheimildir skv. fjárhagsáætlun á hverju ári eftir fyrsta ár samningsins.

5. gr. Gildstími samnings

Gildistími samnings þessa er frá 1. janúar 2026 til 31. desember 2028. Fellur samningurinn þá úr gildi án sérstakrar uppsagnar.

Samningurinn er uppsegjanlegur af hálfu beggja samningsaðila með 3 mánaða fyrirvara og miðast uppsögn við mánaðamót.

6. gr. Vanefndir, reglur o.fl

Komi í ljós að skóla- og frístundasvið hefur ofgreitt styrkfjárhæð af einhverjum ástæðum, t.d. vegna rangra upplýsinga eða mistaka, mun sviðið lækka styrkfjárhæð til RÚV við næstu greiðslu sem því nemur eða krefjast endurgreiðslu.

Verði um verulegar vanefndir að ræða á skyldum skv. samningnum af hálfu annars hvors samningsaðila er gagnaðila heimilt að rifta samningnum, þ.m.t. afturkalla styrkloforð og/eða krefjast endurgreiðslu, án frekari fyrirvara eða aðvarana. Áður en til riftunar kemur skal samningsaðili þó hafa skorað á gagnaðila að bæta úr vanefndinni innan hæfilegs frests, sem skal að öllu jöfnu ekki vera lengri en 14 dagar.

Um samning þennan fer eftir reglum Reykjavíkurborgar um styrki og skal geta þess í kynningarefni RÚV að stofnunin njóti styrks frá Reykjavíkurborg.

Skv. reglum Reykjavíkurborgar um styrki skulu þeir, sem njóta styrkja frá Reykjavíkurborg, skila kyngreindum gögnum um þá, sem eftir atvikum veita eða njóta tiltekinna þjónustu eða gæða vegna styrkveitingarinnar. Sérstaklega skal greint frá því hvaða áhrif styrkurinn hefur á stöðu jaðarsettra hópa fólks, sbr. mannréttindastefna Reykjavíkur. Greinargerðinni skal skilað á sérstöku eyðublaði <http://www.reykjavik.is/kfs>. Skv. mannréttindastefnu borgarinnar eru styrkir borgarinnar bundnir því skilyrði að unnið sé gegn mismunun og að jafnrétti. Mannréttindaráð Reykjavíkurborgar getur krafist viðtakanda styrks um greinargerð um ráðstöfun hans til að fylgjast með því að hann sé nýttur á jafnréttisgrundvelli.

7. gr. Fjárhagsleg ábyrgð og framsal

Reykjavíkurborg ber hvorki lagalega né fjárhagslega ábyrgð á verkefnum sem unnin verða á grundvelli styrksins.

Samningsaðila er óheimilt að framselja réttindi sín og/eða skyldur samkvæmt samningi þessum, í heild eða að hluta, nema að fyrirframfengnu skriflegu samþykki hins.

8. gr. Varnarþing o.fl.

Rísi ágreiningur um efni og/eða túlkun samningsins skal reka ágreiningsmál fyrir héraðsdómi Reykjavíkur.

9. gr. Undirritun samnings

Samningur þessi er undirritaður með fullgildri rafrænni undirskrift í samræmi við ákvæði laga nr. 55/2019 um rafræna auðkenningu og traustþjónustu fyrir rafræn viðskipti og reglugerð (ESB) 910/2014 um sama efni. Með undirritun ábyrgjast viðkomandi einstaklingar jafnframt að þeir hafi umboð til að skuldbinda aðila, með þeim hætti sem samningurinn gerir ráð fyrir.

Reglur Reykjavíkurborgar um styrki - samþykktar í borgarráði 25.maí 2017

Reglur Reykjavíkurborgar um styrki

1. kafli. Markmið.

1. gr.

Reykjavíkurborg veitir ár hvert félagasamtökum, fyrirtækjum og einstaklingum styrki til starfsemi og þjónustu sem fellur að hlutverki sveitarfélagsins eða telst á annan hátt í samræmi við stefnumörkun, áherslur og forgangsröðun borgaryfirvalda.

2. gr.

Markmiðið með styrkjum borgaryfirvalda er að styðja við sjálfsprottið starf, starfsemi frjálsra félagasamtaka og framtak einstaklinga sem stuðla að farsælli þróun borgarsamfélagsins, lífsgæðum og fjölbreytilegu mannlífi.

3. gr.

Með styrkjum skal leitast við að styrkja og efna til samstarfs á grundvelli samninga (styrksamninga, samstarfssamninga, þjónustusamninga) um uppbyggilega starfsemi og þjónustu í samræmi við áherslur og forgangsröðun borgaryfirvalda. Styrkir geta verið hvort sem er til einstakra verkefna eða rekstrar. Hvorki eru veittir styrkir til kaupa á húsnæði né sérstaklega til greiðslu fasteignaskatts.

2. kafli. Ábyrgð.

4. gr.

Borgarráð mótar almenna stefnu í styrkjamálum Reykjavíkurborgar og ákveður borgarstjórn við gerð fjárhagsáætlunar árleg framlög til styrkja. Borgarráð getur ár hvert samþykkt sérstakt áherslusvið í styrkveitingum næsta árs og ætlað fjármagn til styrkja á því sviði af styrkjalið borgarráðs.

Borgarráð fer með úthlutun styrkja, og gerð langtímasamninga, sem falla utan við verksvið fagnefnda borgarinnar. (Borgarráð getur þó falið einstökum nefndum að annast eftirlit og framkvæmd slíkra samninga.)

5. gr.

Fagnefndir Reykjavíkurborgar bera ábyrgð á meðferð styrkumsókna á sínu sviði, úthlutun styrkja og gerð samninga í umboði borgarráðs.

Einstaka fagnefndir skulu gera samþykkt um málefnaleg markmið og vinnulag í tengslum við úthlutun styrkja og samninga. Samþykktirnar skulu lagðar fyrir borgarráð til staðfestingar.

6.gr.

Skrifstofa borgarstjórnar fer með ábyrgð á umsjón styrkjamála miðlægt og styrkumsóknum sem koma til afgreiðslu borgarráðs. Í því felst m.a. móttaka styrkumsókna, skráning, flokkun og vísun til fagnefnda, gerð heildaryfirlita og árleg auglýsing ásamt umsóknar- og kynningarefni á vef Reykjavíkurborgar.

3. kafli. Meðferð og afgreiðsla umsókna og styrkja

7.gr.

Við meðferð og mat á umsóknum skal viðhafa góða stjórnsýsluhætti, gagnsæi og vönduð vinnubrögð.

Meginreglan skal vera sú að þær umsóknir einar séu gildar sem berast innan tilsetts umsóknarfrests og uppfylla þær kröfur sem gerðar eru í auglýsingu.

8. gr.

Auglýst skal fyrir 1. september ár hvert eftir almennum umsóknum um styrki til Reykjavíkurborgar. Við það skal miðað að frestur til að skila inn umsóknum einn mánuður og úthlutun nefnda og ráða sé lokið í árslok. Í auglýsingu skulu koma fram upplýsingar um umsóknarfrest, forsendur styrkveitinga og nauðsynleg fylgigögn, auk annarra hagnýtra upplýsinga. Þá skal koma fram í auglýsingu að styrkveiting feli í sér að umsækjendur undirgangist ákvæði reglna Reykjavíkurborgar um styrki

9. gr.

Umsóknum skal skilað á þar til gerðum eyðublöðum sem skulu vera aðgengileg á vef Reykjavíkurborgar www.reykjavik.is og á stofnunum borgarinnar.

Auk almennra upplýsinga um umsækjanda skulu eftirfarandi upplýsingar koma fram í umsókn:

- Markmið verkefnis eða starfsemi
- Tíma- og verkáætlun.
- Önnur fjármögnun verkefnis eða starfsemi og gögn því til stuðnings
- Aðrar upplýsingar, ef við á.
- Hafi umsækjendur áður fengið styrki skulu liggja fyrir skilagreinar um nýtingu fyrri styrkja.

10.gr.

Umsóknir skulu metnar með hliðsjón af a) markmiðum sem lýst er og hvort líklegt sé að þeim verði náð; b) hvort verk- og tímaáætlun sé raunhæf; c) hvort unnt sé að meta framvindu verksins; d) hvort skilagreinar og fyrri verkefni sem styrk hafa hlotið uppfylli lágmarkskröfur; e) væntanlegum árangri og ávinningi fyrir umrædda starfsemi f) fjárhagsáætlun og greinargerð um aðra fjármögnun sem einnig skal fylgja umsókn g) því hve vel þær falli að mannréttindastefnu Reykjavíkurborgar og markmiðum um innleiðingu á kynjaðri fjárhags- og starfsáætlun.

Styrkþegum er skylt að skila greinargerð um ráðstöfun styrkfjár fyrir lok ráðstöfunarárs. Greinargerðinni skal skilað á sérstöku eyðublaði sem er aðgengilegt á www.reykjavik.is og hjá stofnunum borgarinnar.

Þeir sem njóta styrkja borgarinnar skulu skila hlutaðeigandi styrkveitanda á vegum borgarinnar (borgarráði eða fagráði) kyngreindum gögnum um þá sem eftir atvikum veita eða njóta tiltekkinnar þjónustu eða gæða vegna styrkveitingarinnar skv. nánari reglum hér á eftir. Sama gildir um þá aðila sem fá framlög frá borgarsjóði á grundvelli samstarfs- eða þjónustusamninga.

11. gr.

Framkvæmdastjórar fagnefnda leggja umsóknir fyrir nefndir með rökstuddri tillögu um afgreiðslu á grundvelli samþykktra markmiða og vinnulags viðkomandi nefndar.

Skrifstofustjóri borgarstjórnar annast meðferð þeirra umsókna sem koma til afgreiðslu borgarráðs og leggur rökstuddar tillögur fyrir ráðið. Ef stuðst er við umsagnir undirnefnda eða ráðgefandi aðila skulu þær umsagnir jafnframt lagðar fram.

Tilkynna skal öllum umsækjendum skriflega um afgreiðslu styrkumsóknar og hvenær styrkur kemur til greiðslu, ef hann er veittur.

12. gr.

Styrkveiting gildir fyrir næsta fjárhagsár. Viðburðir eða verkefni eru ekki styrkt eftir á.

Styrkveiting felur ekki í sér fyrirheit um frekari skuldbindingar af hálfu Reykjavíkurborgar nema gerður sé sérstakur samningur þess efnis.

Nefndir skulu leggja styrkjasamninga, sem taka til lengri tíma en eins árs fyrir borgarráð til samþykktar.

13. gr.

Reykjavíkurborg áskilur sér rétt til að rifta samningum, afturkalla styrkloforð og/eða krefjast endurgreiðslu ef sannanlega er um forsendubrest eða vanefndir að ræða af hálfu styrkþega.

14. gr.

Að jafnaði skulu styrkir allt að 1 m.kr. greiddir í einu lagi, styrkir á bilinu 1-2 m.kr. í tvennu lagi, styrkir á bilinu 2-3 m.kr. í þrennu lagi, en hærri styrkir ársfjórðungslega. Sama gildir um greiðslur vegna styrksamninga. Greiðslur fara fram 16.-18. mars, júní, september og desember.

15.gr.

Fagnefndir skulu leggja yfirlit veittra styrkja fyrir borgarráð til kynningar eins fljótt og auðið er. Þær annast jafnframt almenna kynningu á styrkveitingum hver á sínu sviði.

16.gr.

Styrkþegar skulu gera grein fyrir því í árslok hvernig styrkfé hefur verið varið.

Framlög Reykjavíkurborgar sem veitt eru í formi aðstöðu og/eða húsnæðis skuli metin skv. reiknireglum borgarinnar um innri leigu og gerð grein fyrir þeim ásamt öðrum styrkjum á viðkomandi starfsári.

Þeir aðilar sem njóta styrkja frá Reykjavíkurborg skulu láta þess getið í kynningarefni sínu.

4. kafli. Gildistaka

17. gr.

Reglur þessar svo breyttar taka gildi frá og með samþykkt í borgarráði 25.maí 2017 og falla þá úr gildi eldri reglur samþykktar af borgarráði.